

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva zdravstva, Vlada Zeničko-dobojskog kantona, na 197. sjednici održanoj dana 23.12.2014. godine, d o n o s i

ZAKLJUČAK

I.

Prihvata se mišljenje Ministarstva zdravstva Zeničko-dobojskog kantona prema kojem nije neophodno da se u Program rada Skupštine Zeničko-dobojskog kantona za 2015. godinu, kao posebna tačka uvrsti analiza organizacije i statusa privatnih i javnih zdravstvenih ustanova, kao i analiza finansiranja javnih zdravstvenih ustanova, koje čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /14

Datum, 23.12.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo zdravstva,

1x Stručna služba Vlade,

1x Stručna služba Skupštine, na znanje,

1x a/a.

M i š l j e n j e

o inicijativi poslanika Rasima Skomorca za dopunu Programa rada Skupštine Zeničko-dobojskog kantona za 2015. godinu

Poslanik Skupštine Zeničko-dobojskog kantona Rasim Skomorac pokrenuo je poslaničku inicijativu da se u Program rada Skupštine Zeničko-dobojskog kantona za 2015. godinu predvidi razmatranje organizacije i statusa privatnih i javnih zdravstvenih ustanova, te posebno analizira način finansiranja javnih zdravstvenih ustanova.

Prema mišljenju ovog ministarstva, navedena inicijativa je već sadržana u prijedlogu Programa rada Vlade Zeničko-dobojskog kantona za 2015. godinu u kome su predviđene aktivnosti koje će omogućiti postepeno uključivanje privatnog sektora u sistem zdravstvene zaštite, makar u onim oblastima u kojima je to objektivno moguće učiniti. To se posebno odnosi na pojedine dijagnostičke procedure za koje postoje duže liste čekanja, a koje se mogu obavljati i u nekim privatnim zdravstvenim ustanovama. Zbog čega to do sada nije činjeno razlozi su u činjenici da su ograničena finansijska sredstva kojim se finansira zdravstvena zaštita, kao i to da nisu pronađeni odgovarajući modeli uključivanja privatnog sektora u sistem zdravstvene zaštite. Istina, još uvijek funkcioniše pilot projekat kojim je sa Privatnom zdravstvenom ustanovom Poliklinika „Medicus“ u Vukovu, općina Tešanj zaključen ugovor o pružanju usluga porodične medicine na području općine Tešanj, te povremeno angažovanje Poliklinike „Medicom“ Zenica i Poliklinike „Sunce“ Zenica za obavljanje pojedinih dijagnostičkih pretraga (CT i Magnetna rezonanca) u situacijama kada to nije moguće organizirati u Kantonalnoj bolnici Zenica.

Uključivanjem privatnog sektora u sistem zdravstvene zaštite moguće je obezbijediti veću dostupnost korištenja zdravstvenih usluga i staviti u funkciju medicinsku opremu koju privatni sektor posjeduje, što je pravac u kome će se u narednom periodu aktivnosti ovog ministarstva usmjeravati.

Što se tiče pravednije raspodjele sredstava obaveznog zdravstvenog osiguranja nije jasno šta to u praktičnom smislu znači, budući da postoje kriteriji i mjerila usvojena od strane Skupštine Zeničko-dobojskog kantona na osnovu kojih se finansiraju javne zdravstvene ustanove i koji se kod finansiranja ovih ustanova, kroz zaključene ugovore za svaku kalendarsku godinu, dosljedno primjenjuju.

MINISTARSTVO ZDRAVSTVA